

zuzendariari

(0034) 943 300 222

OHARRA: Ahalik eta iritzi gehienek izan dezaten tokia, ez da komeni makinazko 15 lerro baino luzeago idaztea gutun hauetan. Idatzi duenaren izena, telefonoa, helbidea eta NAren zenbakia agertu beharko dira. Laburtu behar izanez gero, zuzendaritzak bere esku du horretarako eskubidea. Erdaraz iristen diren gutunak ez dira argitaratuko.



zuzendariari@egunkaria.com



Gudarien etorbidea, z/g 20140 Andoain

Estrategiaren argudioak

Itxaro Borda • BAIONA

Bere biziko batailatik alta irabazle atera eta azken asteotan umezurtz bezala gelditu AB, ETak Biarnoan tirokatu jendarmeen kontrako ekintza larriaren ondotik zalantzaz beterik ikusten dugu, «bere arrangura sakona» baino agertzen ez duen agiria plazaratzen duela. ETari *zirkunstantzia arintzaileak* kausitzen dizkio aldion ere, egiazki nehoiz kanporatuko ez diren hamazazpi errefuxiatuen afera gertakariaren pindar gisa aurreratuz... irudiz biolentzia salbai mota hori gaitzesten duela deblauki erratearen beldurrez. Hondar hogeita hamar urteotan, elizak eta klase politiko zein kulturalak atentatu bakoitza arrazoiez apaindu du... borroka-

ren eta barne bake-konsetsualaren onerako. Beti ahapez haatik, apez militantez eta militantez apez osatu gure jendarte baketsuak herriaren alde isuri etsai odol uhinak oro justifikatu ditu, gogoz, elez eta ekinez.

Iragan abenduaren 7an Richard Irazusta ABko bozeramaileak mugaren bi aldeetan —Beasainen eta Muneinen— agituari «ez baina bai» tinduaren hamazazpigarren kuxa hedatzen dio arraiki, «biktimenganako» den mendreneko urriki edo konpaziorik gabe. ABk halatan, objetibitate antzeko fraseologia uherraren bidez «salatzen» duen ETaren estrategia itsuari argumentuak eskaintzen dizkio: ez dio ETari hiltzea utz dezan galdetzen, baina soilik, aski bailitza, iparraldeko abertzaleen dinamika politikoaren

erritmoa, edukia eta osotasunaren ez tratatzea? «Badira huts egiten jakin behar diren zepoak» izkiriatur bukatzen du Irazustak bere artikulua, ederk. ABk Muneineko tiroketatik landa, (bere izaerarekiko) arrangura sakonaren ordeztaren ekintzaren kondenatzeko aukera (besteari irekiz) galdu duela argi dago. Dena dela badakigu garbiki gaurkoan, euskal jendalde guztia huts egin gabe ETak zepora daramala, jendalde guztia eta odolaren ahalkez kutsatu hizkuntza bera ere.

Bi jendarme haien larriki zauritzea kondenatzen dut eta abertzale mugimenduak enetako ez duela gehiago sinesgarritasunik diot, zatirik aurrerakoenak, euskal populua mututasunera mugatuz, hiltzen jarraitzen duen bitartean behintzat.

'Felices fiestas'

Joxe Mari Gabilondo • GASTEIZ

Gasteizen autobus geltoki inguruan bazabiltzate eta kafe bat hartzeko gogoa baduzue, Venetto kafetegia gune aproposa izan daiteke. Hori bai, gogoratu data hauetan «*Felices Fiestas y un café solo*» esateaz, bestela zerbitzariak ziurrenik hizkuntza arraro batean hitz egingo baitizue. Aipatzea besterik ez dago astelehen honetan gertatu zitzaguna; afari bat antolatu behar genuela eta, deitu egin genuen. Zerbitzariak adeitsu «*Cafeteria Venetto, dígame*» esan, eta «kai-xo, deitzen nuen jakiteko ea ostiralean afaltzeko tokirik badaukazuen», eta zerbitzariak «*wuan txin txin won, txintxon...*» erantzun zuenez, «eskerrik asko eta agur» esan eta eskegitzea beste biderik ez zigun utzi.

montxo



galdeiozu... ?



PELLO ESNAL

Idazlea

Bertsozalea zaren aldetik, bertsolaritzak gaur egun duen maila ikusita, goia jo duela uste duzu?

Jon Ruiz (Donostia)

Nire ustez, Jon, gauza batzuetan, gora egin du bertsolaritzak; baina, beste batzuetan, ez. Esaterako, inoiz ez bezala zaintzen da, gaur, entzulearekiko harremana. Ez horrenbeste, ordea, bertso-lagunarekiko; batzuetan, behintzat. Lehen, gehiago zaintzen zen bertsolarien arteko elkarriketa eta jarduna. Eskerrak, hala ere, horretaz konturatu eta okerrak bideratzen ari garen. Eta hor dago, gainera, euskararen kontua. Honek ere, gauza batzuetan gora egin du (literaturaren ikuspegitik, batez ere), baina behera eguneroko hizketa-moduan. Baina honetaz ere konturatu gara eta oraindik garaiz gaude, baldin eta ez itsutzen bagara.

Abenduaren 18tik aurrera **Mixel Berhokoirigoin • ELBko lehendakaria** izango da Galdeiozu ataleko gonbidatua. Bidali zure galderak ordurako.

hirusta



Asisko Urmeneta

Ex Symbol

Harira eztatorren promozio baten kari, marrazki pareta eskatu berri dade krixmatak. Santa Genoma! 30 urte enebala kolakorik marrazten. *Eguberri Oihanian* zizun harek: Bi palmondok osatzen zuten Betlehemeko ataria, eta barnean Tarzan zutik, Jane belauniko eta Boy ganbelan; zebra eta bufaloa bazterretan. Zeraren osagarri edo, pizti bakotzak present bana zekarkien: kakatuak mahatsa, lehoinak jabugo bat, eta hola. Destape urteak izanki eta marrazkiak eskolako lehiaketa zuen irabazi; serorak hasiak baitziren mantalinak kentzen, eta sostenak, eta ordeztako hortzeriak, eta batzuk mojak ere atera egin ziren, eta ezkondu, beren artean ere usu. Horrengatik diot, begi onez ikusi bide zutela Familia Sakratua pantera-tangaz. Sor Rosalia Castelaok —lehen Castellano— sexologia diaporama emana zaukun, oro paraia eta paisaia osko-

rritan, eta guraso batzuk kexatu egin zitzaizkion. Orduko amets erotikoak ordea, Marisa andereñoaren izter kolosalen artean iragaten nizekizun. Saudade porno~naifak bulkatruk itzuli berri naz misionestetalat. Sar, eta diosala egin daut zerbaitek maskuriaren parean; serora tipi aitzin xuri bat. Nik, ikasle ohia nintzela eta zenbat oroitzen: Sor Rosalia, Tarzan, Marisa, bla. Ni nauzu bada Marisa, erran dat emekiro. Marisa? —Nik. Izter ausikigarriduna?— Nere artean. Erran gogo izan dakot amestuen amestuz enekiela xuxen nehoiz etzan ote ginenentz elkarrekin, gaur gero horren onki ezagutzen nion ohatze laranjan —zer nahi duzu, urte haietan arras sikodelikoa egiten zuen laranjak—. Eta xu nor xara? —galdetu daut Powellen eta Madrazoren arteko hibridoak. Izan, izan, ni... Eta perpausa finitu barik lekuak hustu tut tira ahala lasterka.